

U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika/ce.

Član 21.

Zahvalnica Grada Sarajeva sadrži tekst: BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO, sa grbom Grada Sarajeva, centriran na vrhu stranice formata A3.

Ispod teksta iz stava 1. ovog člana, ispisuje se sljedeći tekst: "Na osnovu Odluke Gradskog vijeća o o dodjeli Zahvalnice Grada Sarajeva, broj __, dodjeljuje se:".

Na sredini svečane diplome je tekst: "ZAHVALNICA GRADA SARAJEVA", te ime i prezime, odnosno naziv lica kome se Priznanje dodjeljuje.

U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika/ce.

Član 22.

Diploma o dodjeli Sarajevske pahuljice sadrži tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", sa grbom Grada Sarajeva, centriran na vrhu stranice formata A3.

Ispod teksta iz stava 1. ovog člana, ispisuje se sljedeći tekst: "Na osnovu Odluke Gradskog vijeća o dodjeli Nagrade - Sarajevska pahuljica, broj __, dodjeljuje se:".

Na sredini diplome je tekst: "SARAJEVSKA PAHULJICA", te ime i prezime lica kome se Nagrada dodjeljuje.

U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika/ce.

Član 23.

Diploma o dodjeli Nagrade "Graham Bamford" sadrži tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", s grbom Grada Sarajeva, centriranim na vrhu stranice formata A3.

Ispod teksta iz stava 1. ovog člana, ispisuje se sljedeći tekst: "Na osnovu Odluke o dodjeli priznanja i nagrade Grada Sarajeva, broj __, dodjeljuje se:".

Na sredini diplome je tekst: NAGRADA "GRAHAM BAMFORD", te ime i prezime lica kome se Nagrada dodjeljuje.

U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika/ce.

Član 24.

Tekst propisan u članovima 18.-23. Odluke, piše se na jednom od jezika i pisama konstitutivnih naroda u Bosni i Hercegovini.

U slučaju kada se Povelja iz člana 18. Odluke, Povelja iz člana 19. Odluke, te svečana diploma iz člana 20. Odluke, kao i

diploma iz člana 23. Odluke, dodjeljuje stranom državljaninu, sadrži propisani tekst i na engleskom jeziku.

Član 25.

O izgledu Priznanja i Nagrada, odlučuje gradonačelnik/ca, u saradnji sa Komisijom za izbor i imenovanje, u skladu sa zakonom.

V. OPOZIV PRIZNANJA I NAGRADA

Član 26.

Priznanja i Nagrade dodijeljeni u skladu s ovom odlukom, mogu se opozvati.

Priznanja i Nagrade će se opozvati ako je nosilac Priznanja, odnosno Nagrade pravosnažnom sudskom presudom osuđen od Međunarodnog suda za ratne zločine počinjene na teritoriji bivše Jugoslavije ili koji je pravosnažnom sudskom presudom, od bilo kojeg suda na području Bosne i Hercegovine ili drugog suda matične zemlje u slučaju dobitnika stranog državljanina, osuđen za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuđa, protiv službene i druge odgovorne dužnosti, protiv osnova društvenog uređenja i sigurnosti.

Priznanja i Nagrade mogu se opozvati i ako je nosilac Priznanja, odnosno Nagrade pravosnažnom sudskom presudom osuđen na kaznu zatvora preko tri godine ili težu kaznu, a ne radi se o krivičnom djelu iz prethodnog stava.

Član 27.

Opoziv Priznanja, odnosno Nagrade vrši se na način i po postupku za njihovu dodjelu.

VI. OSTALE ODREDBE

Član 28.

Priznanje, odnosno Nagrada dodjeljuje se fizičkim licima, u pravilu, za života, a izuzetno se može dodijeliti i posthumno.

Ukoliko Priznanje, odnosno Nagrada nije uručena dobitniku za života, predaje se članovima njegove uže porodice (bračni drug, djeca i roditelji) i o tome se izdaje potvrda.

Član 29.

Uz Priznanja i Nagrade, uručuje se odluka Gradskog vijeća o dodjeli Priznanja, odnosno Nagrade, iz člana 15. stav 3. Odluke.

Član 30.

Sredstva potrebna za provođenje ove odluke, obezbjeđuju se u Budžetu Grada Sarajeva.

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 23. decembra 2010. godine, verificovao je i donio

ODLUKU

O KOREKCIJI URBANISTIČKOG PROJEKTA "BBI CENTAR"

Član 1.

Utvrđuje se korekcija Urbanističkog projekta "BBI Centar" ("Službene novine Kantona Sarajevo", broj 17/04), u daljem tekstu: korekcija Plana.

Član 2.

Korekcijom Plana, stvara se planski preduvjet za nadzidičvanje dijela objekta čija visina iznosi P+5. Max. BGP ostvarena nadzidičvanjem iznosi 340 m². Max. horizontalni gabarit nadzidanog dijela iznosi (13,00 x 26,00) m, a max. visinska kota nadzidanog dijela, u odnosu na kotu prizemlja objekta, iznosi 31,50 m.

Član 3.

Korekcija Plana sastoji se iz tekstualnog dijela i grafičkih priloga ("Situacioni prikaz sa spratnošću objekata" M 1:500, izvod iz UP-a "BBI Centar" na kojem je obilježena zona korekcije, te "Situacioni prikaz sa spratnošću objekata" M 1:500, Korekcija UP-a "BBI Centar" sa utvrđenim gabaritim nadzidanog dijela objekta).

Tekstualni dio i grafički prilozi korekcije Plana, sastavni su dio Urbanističkog projekta "BBI Centar" ("Službene novine Kantona Sarajevo", broj 17/04).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Urbanističkog projekta "BBI Centar", te da pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje

razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-5992/10
23. decembra 2010. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči 23. 12. 2010. godine.

OPĆINA NOVO SARAJEVO

Općinsko vijeće

Na osnovu člana 4, 5. i 24. Zakona o budžetima u Federaciji Bosne i Hercegovine ("Službene novine Federacije BiH", broj 19/06, 76/08, 5/09,32/09, 51/09, 9/10, 36/10, 45/10), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 18. stav 1 alineja 9. Statuta općine Novo Sarajevo ("Službene novine Kantona Sarajevo", broj 12/06 - Prečišćeni tekst, 14/08 i 25/08), člana 7. Odluke o izvršavanju Budžeta općine Novo Sarajevo za 2010. godinu ("Službene novine Kantona Sarajevo", broj 37/09), Općinsko vijeće na prijedlog Općinskog načelnika na 23. sjednici održanoj dana 6. decembra 2010. godine, donosi

ODLUKU

O IZMJENAMA I DOPUNAMA BUDŽETA OPĆINE
NOVO SARAJEVO ZA 2010. GODINU

Član 1.

Član 1. Budžeta Općine Novo Sarajevo za 2010. godinu ("Službene novine Kantona Sarajevo", broj 10/10), mijenja se i glasi :

OPĆI DIO

Budžet općine Novo Sarajevo za 2010. godinu sastoji se od:

A/ PRIHODI I PRIMICI 28.102.000,00 KM
B/ RASHODI I IZDACI 28.102.000,00 KM

Član 2.

Član 2. mijenja se i glasi:

A/PRIHODI I PRIMICI

<i>Ekou. kod</i>	<i>OPIS</i>	<i>Plan 2010</i>
<i>1</i>	<i>2</i>	<i>3</i>
71000	POREZNI PRIHODI	3.645.000,00
71100	Porez na dobit pojedinaca i preduzeća	100.000,00
71115	Porez na prihod od imovine i imovinskih prava	100.000,00
71400	Porez na imovinu	3.195.000,00
71411	Porez na imovinu	1.000.000,00
71431	Porez na promet nepokretnosti	2.195.000,00
71600	Porez na dohodak	350.000,00
71610	Porez na dohodak	350.000,00
72000	NEPOREZNI PRIHODI	1.813.000,00
72100	Prihodi od finansijske i nematerijalne imovine	785.000,00
72122	Prihod od iznajmljivanja poslovnih prostora	775.000,00
72129	Prihod od skloništa - namjenski	10.000,00
	PRIHOD OD GRADJEVINSKOG ZEMLJIŠTA	1.010.000,00
72120	Prihod za dodjeljeno gradskog građevinsko zemljište	100.000,00